



## **TH beri amaran scammer di Telegram**

Oleh Siti Nur Ain Mat Ripar - Jun 12, 2023 @ 1:38pm  
bhnews@bh.com.my

KUALA LUMPUR: Lembaga Tabung Haji (TH) meminta orang ramai supaya berhati-hati agar tidak menjadi mangsa scammer di aplikasi Telegram.

TH dalam satu kenyataan memaklumkan terdapat pihak yang menyamar dan menggunakan logo TH serta menawarkan skim pelaburan yang menjanjikan keuntungan lumayan di platform itu.

Scammer tersebut turut menubuhkan Group Chat (Tabung Haji & Pelaburan) di Telegram untuk melakukan kegiatan pelaburan dengan menjanjikan keuntungan yang tidak munasabah.

TH menasihati pendeposit untuk tidak tertipu dan menjadi mangsa scammer dengan penawaran yang tidak munasabah terutamanya daripada pihak ketiga.

Sebarang pertanyaan boleh hubungi Tabung Haji Contact Centre (THCC) di talian 03-62071919.